



《續修四庫全書》編纂委員會編

續修四庫全書

上海古籍出版社

七〇四・史部・地理類

〔淳熙〕嚴州圖經八卷（存卷一至卷三）〔宋〕陳公亮 劉文富纂修……………一

〔嘉泰〕吳興志二十卷〔宋〕談 鑰纂修……………六七

〔乾隆〕烏程縣志十六卷〔清〕羅 懷修 杭世駿纂……………二五九

〔乾道〕四明圖經十二卷〔宋〕張 津等纂修……………五〇九

2468/b
18942

〔淳熙〕嚴州圖經

〔宋〕

陳公亮
劉文富

纂修

據南京圖書館藏清丁氏八千
卷樓影宋抄本影印原書版框
高二〇七毫米寬三〇四毫米



太宗皇帝初領防禦使詔

建隆元年正月甲子詔曰朕應天順人宅萬邦而
號自家刑國睦九族以推恩皇第三弟新補殿前都
虞候舊名擢秀本枝協謀興運自天鍾德秉文武之
才在邦必聞有孝弟之行屬茲初業宜被寵光俾領
郡條兼提使印官階等爵式示等威徵鵲鶴之詩方
思於外禦董貌貅之衆用肅於內朝雖曰匪親不居
亦無生而貴者是膺歷試仍錫嘉名勉樹令猷永保
多福可特授光祿大夫檢校太保持節睦州諸軍事
行睦州刺史充本州防禦使兼御史大夫封天水縣

開國子食邑五百戶

太上皇帝初授節度使制

宣和三年十二月壬子制曰周封同姓以親賢式厚
深根之固漢尊二等而立爵載圖磐石之安朕隆紹
慶基端膺駿命永錫胙嗣肇開第室之榮對楊王休
申畀國章之寵丕昭顯冊置章羣王皇子檢校太保
鎮海軍節度使開府儀同三司廣平郡王食邑九千
四百戶食實封三千戶御日幹分暉珠潢疏潤斯干
協吉茂嶷嶷之奇安典命陳儀稱煌煌之華帝聰達
縝自然之質藝文成不習之能詩禮雅言允迪聖門

之訓堯舜正道率循嚴傳之規既進冠以重嘉宜遵

年而出閤班趨萬玉行瞻極以來朝堂敞旅楹既環
宮而列邸載侈衷崇之數益彰振厚之風肱南土之
山川佩真王之印綬面槐辨位聯保職於三公先乘
啓行總戎麾於兩鎮併疇圭賦增渙渥恩於戲建國
以親諸侯義重本支之盛述職以朝天子贊資蕃翰
之良其祗服於朕辭以永綏於爾社可特授太保遂
安慶源等軍節度使進封康王加食邑一千戶食實
封三百戶勲封如故

敕書

敕遂安軍官吏軍人道士僧尼百姓等朕以御粹質
幼蘇異材夙就蚤遵年而親傳既筮日以字成出閣
造朝環宮開邸寵進上公之秩雄兼兩鎮之權制勝
壤於浙江殿名邦於全趙式壯朔南之屏永綏中外
之安遠諒輿情欣聆庭渙今特授御太保遂安慶源
軍節度使進封康王加食邑一千戶食實封三百戶
故茲示諭想宜知悉將士等各平安好參佐官吏軍
人道士僧尼耆壽百姓等並存問之遺書指不多及
二十二日

節度使榜

遂安軍節度使

應遂安軍管內官吏軍人道士僧尼百姓築室肇開庭綸誕布王封真拜胙四履以苴茅上衮黼儀兼十連而建壽方攤圭而趨耆耄握節以殿邦屬時上聖之君興乃不平之治道孚九有遂追黃帝之風政本羣情盡舉元豐之制沛施厚澤決被遠民唯彼外僚當承至意協摠蕃宣之職恪敷詔令之仁芹藻儒髦虎貌武旅空門羽檄稱耆耄齡樂盛化以咸寧欽有司而無犯諸有尊屬並存問之右榜遂安軍仍散下管內各令知委

宣和四年 月 日榜

太保遂安慶源軍節度使康王 押

建炎二年五月十三日

聖旨朕當時沾危勉承大統念

父母兄弟之難懷生靈塗炭之傷思所以迎復

鑒輿弭寧禍亂未知攸濟夙夜震懼無以解憂而潛

藩舊鎮乃遵常式貢章陳慶有謂未已殊拂朕心應

舊領州鎮並不許依故事稱賀其合推恩例仰有司

條具以聞六月十五日有

旨嚴州令官進士僧道耆老等推恩賜帛有差

重修圖經序

先王盛時封建未壞井地既正疆理修明千八百國之廣各有土地之圖以周知其地域大司徒所掌是已且司徒掌邦教之任而乃下兼職方之事其亦有說歟蓋民之情性有剛柔輕重遲速不同不辨其宜而施教焉則有扞格而不相入者是以修其教不易其俗齊其政不易其宜逮秦人罷侯置守亦各有圖漢人入關所收財知阮塞而已司徒辦五地十二壤而施十有二教之制無有也漢氏去古未遠不能復先王之制而郡國雜治況後世去先王益遠而曰復

古不其疎乎

國朝沿唐郡縣之舊而其經理視唐尤爲盡善大中祥符三年十二月丁巳 詔獎翰林學士李宗諤等上新修諸道圖經由是圖籍大備而嚴之爲州自東漢建安中至是適八百年矣其遷徙廢置詳載於經郡有板本中更遺漏不存淳熙甲辰太守陳公公亮下車之初憫其廢墜而未暇也逾年時和年豐訟簡刑清百廢具舉課最之餘因取舊經命文富訂正之將再鋟諸木竊惟此邦之俗舊號輯睦因以名州可以無事治不可以多事理所謂安於簡易之政擾之

則生事是已自公之開府將再葺矣一以寬政理惟
頑民黠吏始繩之以法故邦人甚安之因其俗而施
其教公已得之此其大可書者若夫民數之登降財
賦之贏縮軍籍之去留公館之興廢是則因之否則
革之特其粗爾故書其大者以告後之為政云歲在
丙午正月丁未迪功郎州學教授劉文富謹序

圖經

六

嚴州重修圖經舊序

周官職方氏掌天下之圖周知其數要漢得秦圖書
具知天下阨塞戶口多少疆弱處光武中興按司空
輿地圖以封諸子歷代放周遂以職方名官至唐立
制凡地圖命郡府三年一造與板籍偕上省

國朝定令閏年諸州上地圖大中祥符四年

詔儒臣修纂圖經頒下州縣俾遵承之距今百二十
有八年矣其間州名有更易軍制有升降戶口有登
耗賦稅有增損既皆不同而又艱難以來州縣唯科
斂是急趣具目前閏年之制浸以不舉蓋職方之職

廢也紹興七年年來承乏嘗訪求歷代沿革

國朝典章前賢遺範率汗漫莫可取正詢之故老則
曰是邦當宣和庚子盜據之後圖籍散亡視它州尤
難稽考乃喟然曰惟嚴為州山水清絕有高賢之遐
躅久以輯睦得名今因嚴陵紀號自唐為軍事州

藝祖開基首命

太宗為睦州防禦使

先帝政和中悉褒錄

祖宗潛藩之地


詔升其軍為節度既而出節少府以授

今上嘗以親王遙臨鎮焉其後


繼世以有天下實似

太宗蓋是邦兩爲

眞主興王之地其視少康之綸漢文之代有不足道
則地望顧不重哉而況歷代以來文人才士間出於
其地偉賢鉅公來爲牧守者相望也庸可以勿紀乎
於是因通判軍州事孫傳有請乃屬僚屬知建德縣
事熊通州學教授朱良弼王建德縣簿注勃王桐廬
縣簿賈廷佐及郡人前漢陽軍教授喻彥先相與檢
訂事實各以類從因舊經而補緝廣新聞而附見凡
是邦之遺事略具矣豈特備異日職方舉閏年之制
抑使爲政者究知風俗利病師範先賢懿績而承學
晚生覽之可以輯睦而還舊俗宦達名流玩之可以
金高風而勵名節渠小補也哉至於紀錄尚或未盡
則以俟後之君子紹興己未春正月壬午知軍州事
董弇序






圖城外內府德建





〔淳熙〕嚴州圖經 圖



圖總境府





〔淳熙〕嚴州圖經 圖





圖經卷第一

歷代沿革

上嚴州新定郡遂安軍節度治建德縣禹貢揚州之南境

春秋時屬吳魯哀公二十二年勾踐滅吳因屬越周

顯王三十六年越無疆立楚威王滅之并有其地秦

破負芻則以為鄣會稽兩郡之境漢興以隸吳郡及

丹楊郡東漢仍隸兩郡至建安十三年孫武遣威武

中郎將賀齊擊定山越始分丹楊郡之歙縣立始新

今淳新定今遂安縣海寧縣隋開皇十四年改為休寧陽休陽吳孫休更名休陽曰海寧縣安縣合縣與歙為縣六置新都郡治

如新晉太康元年平吳改郡曰新安而縣改新定曰

遂安宋省犁陽止領縣五梁武帝割吳郡之壽昌來

屬復為縣六自孫權始置郡汜于東晉皆隸揚州宋

孝建元年分揚州之五郡為東揚州新安與其一永

光元年省復併入揚州梁以會稽為東揚州郡復隸

焉承聖中復舊隋開皇九年平陳廢郡為新安縣併

入婺州而置歙州以黟歙海寧三縣隸焉今為仁壽

三年割杭州之桐廬并復立遂安縣即新安故城置

睦州統縣三新安遂安桐廬大業初改新安縣曰雉山而改

睦州為遂安郡以歙州為新安郡唐武德四年平汪

華復為睦州隸歙州總管而析桐廬為嚴州睦州止

領縣二遂安山七年廢嚴州復以桐廬來屬名東睦州

八年去東字正仁宗嫌名觀元年分天下為十道睦

州隸江南道開元二十一年分江南為東西道永淳

二年復置建德縣合為縣四文明元年復改雉山縣

曰新安永昌元年復置壽昌縣載初元年省壽昌如

意元年增置武盛縣今分神功元年徙州治建德神

龍元年復置壽昌改武盛為分水合為縣六開元二

十年改新安縣為還淳天寶元年改睦州為新定郡

乾元元年復為睦州寶應二年又析分水增置昭德

合為縣七大曆六年併昭德於分水永正本字北

元年改還淳曰青溪中和四年州為陳晟所據光化

三年錢鏐割桐廬隸杭州天祐元年刺史陳詢以州

附楊行密三年錢鏐將復取其地更五代暨

國初皆為錢氏所有太平興國三年納土始入板圖

詔復以桐廬下屬于平分天下為十九路睦州隸兩

浙西路自唐以來為睦州軍

國朝建隆元年

太宗以親王領防禦使大中祥符及治平間又嘗設

團練官而仍為軍事州政和八年

詔升爲建德軍節度宣和三年平方臘改曰遂安軍
改州曰嚴州而縣改青溪曰淳安
中興因之

分野

禹貢淮海惟揚州舜置十有二牧此地爲揚州牧所
治周官東南曰揚州其山鎮曰會稽春秋元命包云
牽牛流爲揚州分爲越國漢書志以爲斗分野唐志
據鄭康成說以爲星紀之分

國史地理志兩浙路當天文南斗須女之分

風俗

大中祥符圖經載舊經云山高水深人性正

本字紀
仁宗嫌名

介通典云人性輕揚尚鬼好祀太平寰宇記云隋置

睦州取其俗阜人和內外輯睦爲義以今觀之州境

山谷居多地狹且瘠民貧而嗇穀食不足仰給它州

惟蠶桑是務更丞茶割漆以要商賈樸遷之利大抵

安於簡易之政擾之則生事

國史地理志總叙兩浙
路以爲人性敏柔而慧

尚淳晉氏之教厚於滋
味急於進取善於圖利

州境 道路附

東西三百九十里

南北三百三十里

四至八到

東至臨安府三百一十里

西至徽州三百七十里

南至婺州一百五十里

北至臨安府二百七十里

東南到婺州一百八十里

西南到衢州二百一十里

東北到臨安府三百一十里

西北到徽州三百一十里

去兩京地里

東京二千五百三十六里

西京三千二十九里

陸路

東南至新屯嶺入婺州界五十五里

西南至鵝籠山入衢州界一百九十里

西至深渡津入徽州界二百五十七里

北至印渚溪入臨安府界二百七十里

東北至桐峴山入臨安府一百五十里

水路

東至東梓浦入臨安府界一百三十三里

南至三河湍入婺州界五十里
北至深渡津入徽州界二百五十里

城社

羅城周回十二里二步刀衍大廳記云陳嚴築羅城五尺闊二丈五尺今城宣和三城有八門東曰望雲

南曰定川曰安流西曰安泰曰和平北曰嘉貺東北

曰百順西南曰善利善利門舊有復城出溪湖雨間相傳為鳳凰背既重築悉平之

塞為城隅紹興八年知州董昇因父老有請即城隅開為門還傍舊名

子城周回三里南即遂安軍門東西門在授官廳之兩廂北門在州宅西偏

社壇在城西北五里舊在城西南三里宣和三年平方臘後移置

戶口

自孫權分歙置郡史書不載戶口之數晉武帝時戶五千五百六十宋孝武時戶一萬二百五十三隋文帝時戶七千三百四十三唐高祖時戶一萬二千六十四口五萬九千六十八明皇時戶五萬四千九百六十一口三十八萬二千五百一十三穆宗時戶五萬四千七百一十口三十六萬三千三百八十九國朝九域志主戶六萬六千九百一十五客戶九千八百三十六

國史天禧中戶四萬五千五百八治平中戶七萬五千四百七十三口二十四萬一千七百七十二
紹興已未戶七萬二千二百五十六丁一十一萬一千三百九十四

今戶口

戶八萬八千八百六十七

丁一十七萬五千九百卅三

學校科舉附

至聖文宣王廟舊在城東南隅

國朝雖熙二年知州田錫遷于城西北隅即廟建學

以教諸生景祐中知州范仲淹始建堂宇齋廡慶曆

中知州向俟奉

詔增廣嘉祐中知州趙抃營置田租及以婺州歲入

美米養士大觀中知州李陞奉

詔重新廟學宣和中頒降

御書殿榜曰大成紹興七年知州胡寅盡撤舊屋自

殿堂廊廡齋舍煥然一新堂後有三公祠堂設田公

子以其名德之重及嘗有功于學校之故紹興八年

知州董昇令隨春秋釋奠祀之後增作五賢祠以嚴

先生為主復以學由舊歲收四百斛不足以養士淳熙乙巳歲知州

陳公公亮以三百千添置復撥沒官產以贍之由是無匱乏之患

科舉

舊制三歲應 詔解九人後增明經額一人為十人崇寧頒三舍法于學歲貢六人三歲并零分通二十人宜和復科舉三歲解十六人渡江後附解流寓二名紹興中通為十八名今為定制

貢院舊在堯率寺之西屋宇甚隘歲久滋弊舊經亦不載淳熙乙巳冬知州陳公公亮乃就州學之西鼎新創建其規模一遵 禮部貢院之制

解舍

州衙在子城內正北

舊制屋宇甚備經方臘之亂蕩然無遺宣和三年知州周

格重

通判解舍在遂安軍門內街西

路分解舍舊無定居今在堯率寺東以續置新定

驛改充

觀察支使

節度推官

觀察推官

司戶參軍

司法參軍

並在軍門內東偏

政和中改幕職為司六曹事曹官為掾至建炎初復舊其

間有省負空一解近歲添置通判居之

司理院在嚴州門內街東

司理參軍解舍在內

州院在嚴州門內街西

知錄參軍解舍在內

州學教授解舍在本學外門內今移在學之東側

舊制有路鈴路分本州駐劄及州鈴都監監押

近歲省併只留路分一員都監監押共三員除

路分都監解舍外或居寺院或僦民居

稅務監官二員一員解舍在稅務內一員僦居

館驛

樓閣亭榭附

公館在子城東東山下屋頗宏壯舊為兵馬司紹

興八年知州董斧重加葺治榜以今名以

待監司按臨及往來貴客愒寓今添差通

判居淳熙丙午春知州陳公公亮以新定

驛

如歸館在子城東門內南偏以待寓客

定川館在定川門外臨歙江以待往來艤舟者

東館在東津舊有東館樓錢文肅公更其名曰分